

OREMUS.

Deus cœli, Deus terræ, Deus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Virginum; Deus, qui potestatem habes donare vitam post mortem, requiem post laborem; quia non est alius Deus preter te, nec esse poterit verus, nisi tu creator cœli, et terræ, qui verus Rex es, et cuius regni non erit finis; humiliter majestati gloriae tuæ supplico, ut hunc famulum tuum de immundis spiritibus liberare digneris. Per Christum Dominum nostrum. **R. Amen.**

¶ *Exorcismus.*

Adjuro ergo te, omnis immundissime spiritus, omne phantasma, omnis incurso Satanae, in nomine Jesu-Christi **X** Nazareni, qui post lavacrum Jordanis, in desertum ducatus est, et te in tuis sedibus vicit, ut quem ille de limo terræ ad honorem gloriae sue formavit, tu desinas impugnare: et in homine miserabili non humanam fragilitatem, sed imaginem omnipotentis Dei contremiscas. Cede ergo Deo **X**, qui te, et malitiam tuam in Pharaone, et in exercitu ejus per Moysen servum suum in abyssum demersit. Cede Deo **X** qui te per fidelissimum servum suum David de rege Saule spiritualibus cantis pulsum fugavit. Cede Deo **X**, qui te in Juda Iscariote proditore damnavit. Ille enim te divinis **X** verberibus tangit, in cuius conspectu cum tuis legionibus tremens, et clamans dixisti: Quid nobis, et tibi Jesus Fili Dei altissimi? Venisti huc ante tempus torquere nos? Ille te perpetuis flammis urget, qui in fine temporum dictatorius est impiis: Discedite à me maledicti in ignem aeternum, qui paratus est diabolo, et angelis ejus. Tibi enim, impie, et angelis tuis vermes erunt, qui numquam morientur. Tibi, et angelis tuis inextinguibile preparatur incendium, quia tu es princeps maledicti homicidii; tu auctor incestus, tu sacrilegorum caput, tu actionum pessimarum magister, tu haëreticorum docto, tu totius obscoenitatis

inventor. Exi ergo **X** impie, exi **X** scelerate, exi cum omni fallacia tua, qui hominem templum suum esse voluit Deus. Sed quid diutius moraris hic! Da honorem Deo Patri omnipotenti **X**, cui omne genuflectitur. Da locum Domino Iesu-Christo **X**, qui pro homine Sanguinem suum sacratissimum fudit. Da locum Spiritui **X** Sancto, qui per beatum Apostolum suum Petrum te manifeste stravit in Simone mago; qui fallaciam tuam in Anania, et Saphira condemnavit; qui te in Herode rege, honorem Deo nondante, percussit; qui te in mago Elyma per Apostolum suum Paulum cæcitatibus caligine perdidit, et per eumdem de Pytonisa verbo imperans exire præcepit. Discede ergo nunc **X**, discede **X** seductor. Tibi eremus sedes est. Tibi habitatio serpens est: humiliare, et prosternere. Jam non est differendi tempus. Ecce enim Dominator Dominus proximat cito, et ignis ardebit ante ipsum, et præcedet, et inflammat in circuitu inimicos ejus. Si enim hominem fefeleris, Deum non poteris irridere. Ille te ejicit, cuius oculis nihil occultum est. Ille te expellit, cuius virtuti universa subjecta sunt. Ille te excludit, qui tibi, et angelis tuis præparavit aeternam gehennam; de cuius ore exibit gladius acutus: Qui venturus est judicare vivos, et mortuos, et sæculum per ignem. **R. Amen.**

Predicta omnia, quatenus opus fuerit, repeti possunt, docent obsecrus sit omnino liberatus.

Juvabit præterea plurimum hæc, quæ infra notantur, super obsecrum devote dicere, saepaque repeterem.

Pater noster, etc. Ave Maria, etc. Credo, etc.

Canticum: Magnificat, etc., ut supra pag. 294. Canticum: Benedictus, etc., ut supra pag. 177.

Symbolum S. Athanasii.

Quicumque vult salvus esse, * ante omnia opus est, ut teneat Catholicam fidem.

Quam nisi quisque integrum, inviolatamque servaverit, * absque dubio in aeternum peribit.

Fides autem Catholica hæc est, * ut unum Deum in Trinitate, et Trinitatem in unitate veneremur.
Neque confundentes personas, * neque substantiam separantes.
Alia est enim persona Patris, alia Filii, * alia Spiritus Sancti.
Sed Patris, et Filii, et Spiritus Sancti una est divinitas, * æqualis gloria, coæterna majestas.
Qualis Pater, talis Filius, * talis Spiritus Sanctus.
Increatus Pater, increatus Filius, * increatus Spiritus Sanctus.
Imensus Pater, immensus Filius, * immensus Spiritus Sanctus.
Æternus Pater, æternus Filius, * æternus Spiritus Sanctus.
Et tamen non tres æterni, * sed unus æternus.
Sicut non tres increati, nec tres immensi, * sed unus increatus, et unus immensus.
Similiter omnipotens Pater, omnipotens Filius, * omnipotens Spiritus Sanctus.
Et tamen non tres omnipotentes, * sed unus omnipotens.
Ita Deus Pater, Deus Filius, * Deus Spiritus Sanctus.
Et tamen non tres Dii, * sed unus est Deus.
Ita Dominus Pater, Dominus Filius, * Dominus Spiritus Sanctus.
Et tamen non tres Domini, * sed unus est Dominus.
Quia sicut singillatim unamquamque personam Deum, ac Dominum confiteri Christiana veritate compellimus: * ita tres Deos, aut Dominos dicere, Catholica religione prohibemur.
Pater à nullo est factus, * nec creatus, nec genitus.
Filius à Patre solo est, * non factus, nec creatus, sed genitus.
Spiritus Sanctus à Patre, et Filio, * non factus, nec creatus, nec genitus, sed procedens.
Unus ergo Pater, non tres Patres, unus Filius, non tres Fili: * unus Spiritus Sanctus, non tres Spiritus Sancti.
Et in hac Trinitate nihil prius, aut posterius, nihil majus,

aut minus: * sed totæ tres personæ coæternæ sibi sunt, et coæquales.
Ita ut per omnia, sicut jam supra dictum est, * et unitas in Trinitate, et Trinitas in unitate veneranda sit.
Qui vult ergo salvus esse, * ita de Trinitate sentiat.
Sed necessarium est ad æternam salutem, * ut incarnationem quoque Domini nostri Iesu-Christi fideliter credat.
Est ergo fides recta, ut credamus, et confiteamur, * quia Dominus noster Jesus-Christus Dei Filius, Deus, et homo est.
Deus est ex substantia Patris ante sæcula genitus: * et homo est ex substantia matris in sæculo natus.
Perfectus Deus, perfectus homo, * ex anima rationali, et humana carne subsistens.
Æqualis Patri secundum divinitatem, * minor Patre secundum humanitatem.
Qui licet Deus sit, et homo, * non duo tamen, sed unus est Christus.
Unus autem non conversione divinitatis in carnem, * sed assumptione humanitatis in Deum.
Unus omnino non confusione substantiæ, * sed unitate personæ.
Nam sicut anima rationalis, et caro unus est homo, * ita Deus, et homo unus est Christus.
Qui passus est pro salute nostra, descendit ad inferos, * tercia die resurrexit à mortuis.
Ascendit ad cœlos, sedet ad dexteram Dei Patris omnipotentis: * inde venturus est judicare vivos, et mortuos.
Ad cuius adventum omnes homines resurgere habent cum corporibus suis, * et reddituri sunt de factis propriis rationem.
Et qui bona egerunt, ibunt in vitam æternam: * qui vero mala, in ignem æternum.
Hæc est fides Catholica: * quam nisi quisque fideliter, firmiterque crediderit, salvus esse non poterit.
Gloria Patri, et Filio, et Spiritui Sancto, etc.

PSALMUS XC: Qui habitat, etc., ut supra pagina 200.
Psalmus LXVII: Exurgat Deus, etc., ut supra pag. 242.
Psalmus LXIX: Deus in adjutorium, etc., ut supra pag. 44.
Psalmus LIII: Deus in nomine tuo salvum, etc., ut supra pag. 252.

PSALMUS CXVII.

Confitemini Domino, quoniam bonus: * quoniam in sæculum misericordia ejus.
Dicat nunc Israel, quoniam bonus: * quoniam in sæculum misericordia ejus.
Dicat nunc domus Aaron: * quoniam in sæculum misericordia ejus.
Dicant nunc, qui timent Dominum: * quoniam in sæculum misericordia ejus.
De tribulatione invocavi Dominum: * et exaudivit me in latitudine Dominus.
Dominus mihi adjutor: * non timebo quid faciat mihi homo.
Dominus mihi adjutor: * et ego despiciam inimicos meos.
Bonum est confidere in Domino, * quam confidere in homine.
Bonum est sperare in Domino, * quam sperare in principibus.
Omnes Gentes circuierunt me: * et in nomine Domini, quia ultus sum in eos.
Circumdantes circumdederunt me: * et in nomine Domini, quia ultus sum in eos.
Circumdederunt me sicut apes, et exarserunt sicut ignis in spinis: * et in nomine Domini, quia ultus sum in eos.
Impulsus eversus sum, ut caderem: * et Dominus suscepit me.
Fortitudo mea, et laus mea Dominus: * et factus est mihi in salutem.
Vos exultationis, et salutis, * in tabernaculis justorum.
Dextera Domini fecit virtutem, dextera Domini exaltavit me: * dextera Domini fecit virtutem.

Non moriar, sed vivam: * et narrabo opera Domini.
Castigans castigavit me Dominus: * et morti non tradidit me.
Aperite mihi portas justitiae, ingressus in eas confitebor Domino: * hæc porta Domini, justi intrabunt in eam.
Confitebor tibi, quoniam exaudisti me: * et factus es mihi in salutem.

Lapidem, quem reprobaverunt ædificantes, * hic factus est in caput anguli.

A Domino factum est istud: * et est mirabile in oculis nostris.
Hæc est dies, quam fecit Dominus: * exultemus, et lætemur in ea.

O Domine, salvum me fac, ô Domine, bene prosperare; * benedictus, qui venit in nomine Domini.

Benediximus vobis de domo Domini: * Deus Dominus et illuxit nobis.

Constitute diem solemnam in condensis, * usque ad cornu altaris.

Deus meus es tu, et confitebor tibi: * Deus meus es tu, et exaltabo te.

Confitebor tibi, quoniam exaudisti me: * et factus es mihi in salutem.

Confitemini Domino, quoniam bonus: * quoniam in sæculum misericordia ejus.

Gloria Patri, et Filio, et Spiritui Sancto, etc.

PSALMUS XXXIV.

Judica, Domine, nocentes me, * expugna impugnantes me.
Apprehende arma, et scutum: * et exurge in adjutorium mihi.

Effunde frameam, et conclude adversus eos, qui persecuntur me: * dic animæ meæ, salus tua ego sum.

Confundantur, et revereantur * quærentes animam meam.
Avertantur retrorsum, et confundantur * cogitantes mihi mala.

Fiant tamquam pulvis ante faciem venti: * et Angelus Domini coarctans eos.

Fiat via illorum tenebræ, et lubricum: * et Angelus Domini
persequens eos.
Quoniam gratis absconderunt mihi interitum laquei sui: *
supervacue exprobraverunt animam meam.
Veniat illi laqueus, quem ignorat: et captio, quam abscon-
dit, apprehendat eum: * et in laqueum cadat in ipsum.
Anima autem mea exultabit in Domino: * et delectabitur su-
per salutari suo.
Omnia ossa mea dicent: * Domine, quis similis tibi?
Eripiens inopem de manu fortiorum ejus: * egenum, et pau-
perem à diripientibus eum.
Surgentes testes iniqui, * quæ ignorabam, interrogabant me.
Retribuebant mihi mala pro bonis: * sterilitatem animæ meæ.
Ego autem cum mihi molesti essent, * in duebar cilicio.
Humiliabam in jejunio animam meam: * et oratio mea in si-
nu meo convertetur.
Quasi proximum, et quasi fratrem nostrum, sic complace-
bam: * quasi lugens, et contrastatus sic humiliabar.
Et adversum me lætati sunt, et convenerunt: * congregata
sunt super me flagella, et ignoravi.
Dissipati sunt, nec compuncti tentaverunt me, subsannave-
runt me subsannatione: * frenduerunt super me dentibus
suis.
Domine, quando respicies? restitue animam meam à malig-
nitate eorum, * à leonibus unicam meam.
Confitebor tibi in ecclesia magna, * in populo gravi lauda-
bo te.
Non supergaudeant mihi, qui adversantur mihi inique: * qui
oderunt me gratis, et annuunt oculis.
Quoniam mihi quidem pacifice loquebantur: * et in iracun-
dia terræ loquentes, dolos cogitabant.
Et dilataverunt super me os suum: dixerunt: * Euge, euge,
viderunt oculi nostri.
Vidisti, Domine, ne sileas: * Domine, ne discedas à me.
Exurge, et intende judicio meo, * Deus meus, et Dominus
meus in causam meam.

Judica me secundum justitiam tuam, Domine Deus meus, *
et non supergaudeant mihi.
Non dicant in cordibus suis: Euge, euge, animæ nostræ, *
nec dicant: Devoravimus eum.
Erubescant, et revereantur simul, * qui gratulantur malis
meis.
Induantur confusione, et reverentia, * qui magna loquun-
tuur super me.
Exultent, et lætentur, qui volunt justitiam meam: * et di-
cant semper: Magnificetur Dominus, qui volunt pacem
servi ejus.
Et lingua mea meditabitur justitiam tuam, * tota die lau-
dem tuam.
Gloria Patri, et Filio, et Spiritui Sancto, etc.

PSALMUS XXX.

In te, Domine speravi, non confundar in æternum: * in jus-
titia tua libera me.
Inclina ad me aurem tuam: * accelera, ut eruas me.
Esto mihi in Deum protectorem, et in domum refugii, * ut
salvum me facias.
Quoniam fortitudo mea, et refugium meum es tu: * et prop-
ter nomen tuum deduces me, et enutries me.
Educes me de laquo hoc, quem absconderunt mihi: * quo-
niā tu es protector meus.
In manus tuas commendo spiritum meum: * redemisti me,
Domine Deus veritatis.
Odisti observantes vanitates, * supervacue.
Ego autem in Domino speravi: * exultabo, et lætabor in mi-
sericordia tua.
Quoniam respexisti humilitatem meam: * salvasti de neces-
sitatis animam meam.
Nec conclusisti me in manibus inimici: * statuisti in loco spa-
tioso pedes meos.
Miserere mei, Domine, quoniam tribulor: * conturbatus est
in ira oculus meus, anima mea, et venter meus.

Quoniam defecit in dolore vita mea, * et anni mei in gemi-
tibus.
Infirmata est in paupertate virtus mea: * et ossa mea contur-
bata sunt.
Super omnes inimicos meos factus sum opprobrium, et vici-
nis meis valde: * et timor notis meis.
Qui videbant me, foras fugerunt à me; * oblivioni datus sum,
tamquam mortuus à corde.
Factus sum tamquam vas perditum: * quoniam audivi vitu-
perationem multorum commorantium in circuitu.
In eo, dum convenirent simul adversum me: * accipere ani-
mam meam consiliati sunt.
Ego autem in te speravi, Domine: * dixi: Deus meus es tu,
in manibus tuis sortes meæ.
Eripe me de manu inimicorum meorum, * et à persequenti-
bus me.
Illustra faciem tuam super servum tuum: salvum me fac in
misericordia tua: * Domine, non confundar quoniam in-
vocavi te.
Erubescant impii, et deducantur in infernum: * muta fiant
labia dolosa.
Quæ loquuntur adversus justum iniquitatem, * in superbia,
et in abusione.
Quam magna multitudo dulcedinis tuæ, Domine, * quam abs-
condisti timentibus te!
Perfecisti eis, qui sperant in te, * in conspectu filiorum ho-
minum.
Abscondes eos in abscondito faciei tuæ, * à conturbatione ho-
minum.
Proteges eos in tabernaculo tuo, * à contradictione linguarum.
Benedictus Dominus: * quoniam mirificavit misericordiam
suam mihi in civitate munita.
Ego autem dixi in excessu mentis meæ: * Projectus sum à fa-
cie oculorum tuorum.
Ideo exaudisti vocem orationis meæ, * dum clamarem ad te.
Diligite Dominum omnes sancti ejus: * quoniam veritatem re-

quiet Dominus, et retribuet abundanter facientibus su-
perbiam.

Viriliter agite, et confortetur cor vestrum, * omnes, qui spe-
ratis in Domino.

Gloria Patri, et Filio, et Spiritui Sancto, etc.

PSALMUS XXI.

Deus meus, Deus meus, respice in me: quare me dereliquis-
ti? * longe à salute mea verba delictorum meorum.

Deus meus clamabo per diem, et non exaudies: * et nocte,
et non ad insipientiam mihi.

Tu autem in sancto habitas, * laus Israel.

In te speraverunt patres nostri: * speraverunt, et liberasti eos.
Ad te clamaverunt, et salvi facti sunt: * in te speraverunt,
et non sunt confusi.

Ego autem sum vermis, et non homo, * opprobrium homi-
num, et abjectio plebis.

Omnis videntes me deriserunt me: * locuti sunt labii, et mo-
verunt caput.

Speravit in Domino, eripiat eum: * salvum faciat eum, quo-
niam vult eum.

Quoniam tu es, qui extraxisti me de ventre: * spes mea ab
uberibus matris meæ: in te projectus sum ex utero.

De ventre matris meæ Deus meus es tu: * ne discesseris à me.

Quoniam tribulatio proxima est: * quoniam non est qui ad-
juvet.

Circumdederunt me vituli multi: * tauri pingues obsede-
runt me.

Aperuerunt super me os suum, * sicut leo rapiens, et rugiens.

Sicut aqua effusus sum: * et dispersa sunt omnia ossa mea.

Factum est cor meum tamquam cera liquecens, * in medio
ventris mei.

Aruit tamquam testa virtus mea, et lingua mea adhaesit fau-
cibus meis: * et in pulverem mortis deduxisti me.

Quoniam circumdederunt me canes multi: * concilium ma-
lignantium obsedit me.

Foderunt manus meas, et pedes meos: * dinumeraverunt omnia ossa mea.
Ipsi vero consideraverunt, et inspexerunt me: * diviserunt sibi vestimenta mea, et super vestem meam miserunt sortem.
Tu autem, Domine, ne elongaveris auxilium tuum à me: * ad defensionem meam conspice.
Erue à framea, Deus, animam meam: * et de manu canis unicam meam.
Salva me ex ore leonis: * et à cornibus unicornium humilitatem meam.
Narrabo nomen tuum fratribus meis: * in medio ecclesiæ laudabo te.
Qui timetis Dominum, laudate eum: * universum semen Jacob glorificate eum.
Timeat eum omne semen Israel: * quoniam non sprevit, neque despexit deprecationem pauperis.
Nec avertit faciem suam à me: * et cum clamarem ad eum, exaudivit me.
Apud te laus mea in ecclesia magna: * vota mea reddam in conspectu timentium eum.
Edent pauperes, et saturabuntur, et laudabunt Dominum, qui requirunt eum: * vivent corda eorum in sæculum sæculi.
Reminiscentur, et convertentur ad Dominum * universi fines terræ.
Et adorabunt in conspectu ejus * universæ familiæ gentium.
Quoniam Domini est regnum: * et ipse dominabitur gentium.
Manducaverunt, et adoraverunt omnes pingues terræ: * in conspectu ejus cadent omnes, qui descendunt in terram.
Et anima mea illi vivet: * et semen meum serviet ipsi.
Annuntiabitur Domino generatio ventura: * et annuntiabunt cœli justitiam ejus, populo, qui nascetur, quem fecit Dominus.
Gloria Patri, et Filio, et Spiritui Sancto, etc.

PSALMUS III: Domine, quid multiplicati, etc. pag. 201.

PSALMUS X.

In Domino confido: quomodo dicitis animæ meæ: * transmigra in montem, sicut passer?
Quoniam ecce peccatores intenderunt arcum; paraverunt sagittas suas in pharetra, * ut sagittent in obscuro rectos corde.
Quoniam quæ perfecisti, destruxerunt: * justus autem quid fecit?
Dominus in templo sancto suo: * Dominus in cœlo sedes ejus.
Oculi ejus in pauperem respiciunt: * palpebræ ejus interrogant filios hominum.
Dominus interrogat justum, et impium: * qui autem diligit iniquitatem, odit animam suam.
Pluet super peccatores laqueos: * ignis, et sulphur, et spiritus procellarum pars calicis eorum.
Quoniam justus Dominus, et justitias dilexit: * æquitatem vidit vultus ejus.
Gloria Patri, et Filio, et Spiritui Sancto, etc.

PSALMUS XII.

Usquequo, Domine, oblivisceris me in finem? * usquequo avertis faciem tuam à me?
Quamdiu ponam consilia in anima mea, * dolorem in corde meo per diem?
Usquequo exaltabitur inimicus meus super me? * respice, et exaudi me, Domine Deus meus.
Illumina oculos meos, ne umquam obdormiam in morte, * ne quando dicat inimicus meus: Prævaluï aduersus eum.
Qui tribulant me, exultabunt, si motus fuero: * ego autem in misericordia tua speravi.
Exultabit cor meum in salutari tuo: cantabo Domino, qui bona tribuit mihi; * et psallam nomini Domini Altissimi.
Gloria Patri, et Filio, et Spiritui Sancto, etc.

Oratio post liberationem.

Oramus te, Deus omnipotens, ut spiritus iniquitatis am-

plius non habeat potestatem in hoc famulo tuo N. (*vel* famula tua N.) sed ut fugiat, et non revertatur: ingrediatur in eum (*vel* in eam) Domine, te jubente, bonitas, et pax Domini nostri Jesu-Christi, per quem redempti sumus, et ab omni malo non timemus, quia Dominus nobiscum est: Qui vivit, et regnat cum Deo Patre in unitate Spiritus Sancti Deus, per omnia saecula saeculorum. *R. Amen.*

ALIA FORMA EXORCIZANDI A DÆMONE VEXATOS.

(Ex Rituall Tarragonensi).

Sacerdos conversus ad populum et circumstantes, dicit:

Antiphona: Ne reminiscaris. PSALMUS VI: Domine, ne in furore tuo, etc. *in fine Gloria Patri, ut supra pag. 245.* *Antiphona:* Ne reminiscaris, Domine, delicta nostra, vel parentum nostrorum; neque vindictam sumas de peccatis nostris.

Antiphona: Domine Deus. PSALMUS LXIX: Deus in adjutorium meum, etc. Gloria Patri, *ut supra pag. 44.* *Antiphona:* Domine Deus in adjutorium meum intende.

Antiphona: Expugna. PSALMUS XXXIV: Judica, Domine, nuncentes me, etc. Gloria Patri, *ut supra pag. 467.* *Antiphona:* Expugna impugnantes me.

Antiphona: Angelis suis. PSALMUS XC: Qui habitat, etc. Gloria Patri, *ut supra pag. 200.* *Antiphona:* Angelis suis Deus mandavit de te, ut custodiant te in omnibus viis tuis.

Kyrie eleison. Christe eleison. Kyrie eleison. Pater noster.

Dum dicitur secreto aspergatur Energumenus aqua benedicta.

Y. Et ne nos inducas in tentationem.

R. Sed libera nos, etc.

Y. Salvum fac servum tuum, vel ancillam tuam, etc.

O R E M U S.

Deus, qui culpa offenderis, penitentia placaris, preces supplicantium propitiis respice, et flagella tuæ iracundiæ, quæ pro peccatis nostris meremur averte.

Hostium nostrorum, quæsumus Domine, elide superbiam, et eorum contumaciam dexteræ tuæ virtute prosterne;

Ne despicias, omnipotens Deus, famulos tuos ad te contra malignum spiritum in afflictione clamantes: sed propter gloriam nominis tui, tribulatis succurre placatus. Per Dominum, etc. *R. Amen.*

Y. Dominus vobiscum. R. Et cum spiritu tuo.

Y. Sequentia sancti Evangelii secundum Matthæum.

R. Gloria tibi Domine.

In illo tempore: Accessit ad Iesum homo genibus provolutus ante eum, dicens: Domine miserere filio meo; qui lunaticus est, et male patitur: nam sæpe cadit in ignem, et crebro in aquam: et obtuli eum discipulis tuis, et non potuerunt curare eum. Respondens Jesus, ait: O generatio incredula, et perversa, quousque ero vobiscum? usquequo patiar vos? Afferte huc illum ad me. Et increpavit illum Jesus. Et exit ab eo dæmonium, et curatus est puer ex illa hora. Tunc accesserunt discipuli ad Iesum secreto, et dixerunt: Quare nos non potuimus ejicere illum? Dixit illis Jesus: Propter incredulitatem vestram. Amen quippe dico vobis, si habueritis fidem, sicut granum sinapis, dicetur monti huic: Transi huc illuc, et transibit: et nihil impossibile erit vobis. Hoc autem non ejicitur, nisi per orationem, et jejunium.

Y. Dominus vobiscum. R. Et cum spiritu tuo.

Y. Sequentia sancti Evangelii secundum Marcum.

R. Gloria tibi Domine.

In illo tempore: Recumbentibus undecim discipulis, apparuit illis Jesus: et exprobravit incredulitatem eorum, et duritiam cordis: quia iis qui viderant eum resurrexisse, non crediderunt. Et dixit eis: Euntes in mundum universum, prædicate Evangelium omni creaturæ. Qui crediderit, et baptizatus fuerit, salvus erit. Qui vero non crediderit, condemnabitur. Signa autem eos qui crediderint, hæc sequentur: In nomine meo dæmonia ejicient, linguis loquentur novis,